

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第六十八輯  
沈雲龍主編

湘軍援鄂戰史

國史編輯社編

文海出版社有限公司印行

中華民國十年出版

# 湘軍援鄂戰史

國史編輯社印行



孫雲軒



李佩璣



張曹



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





元 占 王



方 博 孫



南 煥 函

# 湘軍援鄂戰史目錄

## 緒論

鄂人武宜劫後之哀鳴

京津鄂人驅王之運動

鄂同鄉請罷王占元無效

鄂代表赴湘請兵平亂

湘鄂戰爭之動因

湘鄂間形勢之大變化

湖北自治軍發布之文電

王占元接濟湘軍餉械之受愚

湘軍總司令警師之新令

湘軍援鄂進行之計劃

湘鄂雙方之軍隊發動

趙恒惕臨戰時之圓滑策略

鄂東鄂北自治軍傳檄討王

湘鄂軍開始接戰之情況

王占元假辭職之緩兵計

湘鄂兩軍情形之比較

趙李橋鄂軍受大挫

路滑泥濕中之南軍勇猛

湘軍用硫黃石灰制敵之死命



北軍臨戰時四處逃避

湘軍敢死隊銳氣莫當

湘軍佔領羊樓峒之犧牲

夏斗寅渾身是胆

賀耀祖大創北軍之奇績

湘軍三面應敵之勝利

湘軍能得人心之效果

直派會議援鄂之動作

直軍屬集鄂渚之伺隙

鄂同鄉致吳佩孚請勿助王之

公電

王占元與直派之惡感

三路鄂軍一敗塗地

北軍拋棄槍械之狼狽情形

俘虜通過長沙街市之態狀

王占元之起身砲

援鄂客軍敷衍王氏之舉動

驅王聲中之辭職窮途

王占元免職之原因

免王令發表之催促

王氏求保私產之恐慌

王氏離鄂之傷心語

扣留王氏算帳之鼓吹

處分王氏不動產之要求

外人論處置王氏之方法

湘鄂戰後之新形勢

蕭耀南接印視事後之布置

京津湘鄂要人主張停戰議和

之通電

王去蕭來後鄂人反對侵略之

宣言

吳佩孚來鄂之聲勢

蔣作賓電詢吳佩孚之意圖

湘直兩軍對峙中之觀察



# 湘軍援鄂戰史

## 緒論

當○宜○昌○湖○北○兵○變○後○爲○北○京○政○府○計○宜○用○疾○雷○不○及○掩○耳○之○法○宣○布○王○占○元○罪○狀○卽○行○懲○戒○湖○北○民○氣○或○可○以○稍○平○此○次○湘○鄂○之○戰○且○可○以○倖○免○故○吾○人○追○原○禍○始○誠○不○能○不○太○息○痛○恨○於○政○府○當○局○優○柔○寡○斷○不○早○徇○鄂○人○之○請○有○以○釀○成○之○也○

不○獨○此○也○鄂○人○以○全○力○逐○王○而○政○府○反○以○全○力○保○王○於○是○言○兵○變○則○王○氏○譏○爲○裁○兵○而○起○言○辦○理○兵○變○則○褒○王○氏○曰○難○能○可○貴○言○善○後○則○稱○王○氏○曰○辦○理○迅○速○種○種○反○乎○人○情○之○謬○語○列○諸○命○令○見○於○文○電○倒○行○逆○施○激○成○戰○禍○國○民○雖○至○愚○究○不○能○對○政○府○有○恕○辭○國○民○雖○至○弱○究○不○能○對○政○府○無○憤○態○然○政○府○所○以○敢○於○倒○行○逆○施○者○恃○有○武○力○也○恃○有○武○力○故○敢○保○國○人○共○棄○之○

王占元始而與自治民意戰繼而與自治潮流戰終而與自治軍隊戰

政府亦知自治軍之意義何在乎民國之初有革命軍其後有獨立軍有護法軍有靖國軍而今於湘鄂之間有自治軍自治軍者由進行自治而所組之軍也革命戰爭政權由一人移之多人護法戰爭政權由一方而移之各方若自治戰爭則政權將由各方之軍閥政閥而移之於平民如我全國平民均知自治之真理均有自治之實力何懼乎軍閥何慮乎政閥若湘鄂間之自治軍猶不過一隅之發端也

雖然就援鄂之戰事而論援鄂者湘人也運動援鄂以驅王占元者鄂人也於直派軍閥何干况湖北者湖北人之湖北也湖北人自決而救死是湖北人自有其主權也於直派軍閥又何干

乃鄂人方誓死力驅禍鄂之王占元而直派之軍隊紛來禍鄂之王占元方脫離鄂境而洛陽要人之劍履且親及其命意所在爲鄂省之人民乎抑爲



鄂省之地盤乎吾恐湘鄂局部之爭戰未結束而南北形勢之幻變且踵起矣。

特是此編戰史係援鄂戰史也所紀戰事之原因之彩色之結果均是王占元與鄂之關係迨驅王達到目的而湘鄂戰事倘仍不能消滅則吾人之觀戰劇且由第一幕歎觀止後而急欲知第二幕之變化何如焉。

### 鄂人武宜劫後之哀鳴

(銜畧)公鑒。吾宜去冬被兵焚搶。人民到處呼籲。政府充耳不聞。而率兵搶劫之軍官。反晉授勳章。有差。致令此次又遭焚搶。且復慘酷數倍。敵會同人痛切桑梓。當即上書政府。請求罷黜王占元。抄其家產。以賑災民。嚴辦軍官。解散亂兵。以平怒憤。並求於五日內切實批復。否則即請外人將宜昌劃為租界。藉叨保護。以免再駐軍隊。再遭浩劫。此呈。上後。敵會方以為甘作亡國奴之傷心哀鳴。必可邀政府之猛省。乃本月十一日。政府竟公然發布租界欺民之命令。敵

會再三思索。無法諒解。應即認爲政府自絕於人民之表示。用將研究命令意見錄質於下。命令云被匪煽惑。放火搶掠等語。宜昌去冬被搶。王占元譏罪於黎天才潰軍。此次又稱被匪煽惑。試問宜昌軍警密布。匪類潰軍。何能潛跡。且其統兵長官所司何事。何能任其一再誘煽。令云經該管旅長率隊馳剿。逾時即散等語。已含有旅長平亂迅速。預爲他日請獎地步。令云少數隊伍放火搶劫。商店頗受損失。並焚燬官錢局造幣廠。經竭力彈壓。分道竄散等語。既係少數隊伍。又何必竭巍巍赫赫。巡閱使並督軍之力。始能彈壓。且熱鬧街市均被焚燬。乃獨稱焚燬官錢局造幣廠兩處。蓋因該兩處素爲王占元發財機關。趁此預伏一筆。即可爲查賬時湮沒證據地步。令云應由該督軍查取師旅長職名呈候嚴懲等語。王占元電內祇劉旅長。政府乃牽及師長。蓋亦知旅部變亂。師長例應同坐。獨不知師旅部變亂。督軍亦應同坐。否乎。奈何煌煌命令。竟無一字罪及督軍。袒兇欺民。毋乃太甚。令云拿辦在場各犯。以儆效尤等語。夫宜

昌此次焚劫卽效去冬之尤武昌繼起變亂卽效宜昌兩次之尤既已屢次效尤到處效尤而政府猶對於縱令效尤之王占元毫無處分是武宜相繼焚劫謂之王占元縱兵殃民也可謂之爲政府縱王滅鄂也亦無不可由上所述政府對於吾民設非無保護誠意卽係無負責能力若再不共同亟謀自救則公等所居市鎮皆屬吾鄂菁華將來必無一處能幸免矣敝會爲急救地方子遺起見但求免死不知有國業已決定請求駐京公使團提出抗議速將宜昌劃爲租界以免政府再駐軍隊雖由此淪爲萬劫不復之亡國奴隸同人亦所不惜也除刊登各報訴請全國諒解外用特電達如予贊同卽希電由北京虎坊橋宜昌會館轉交敝會以便連署申請爲荷

### 京津鄂人驅王之呼籲

旅京津鄂人在虎坊橋湖廣會館開救亡大會會場陳列（王占元十七大罪狀）首由旅京同鄉會代表李繼膺報告前次大會議決各項議案之進行情

形畢。並謂依照陸軍刑事條例第四十五條及第七十七條之規定。王占元當  
 然須處死刑。全場鼓掌。次由武漢災民代表袁正道。宜昌災民代表覃保初。報  
 告兩地兵變之慘狀。縷縷泣陳。聞者無不酸鼻。結果議決七條辦法。(一)京津  
 到會諸人全體赴府院爲最後之請願。(二)如政府此次置湖北民意於不顧。  
 湖北人至無可奈何時。除向外交團申訴公理外。實無其他辦法。(三)以全體  
 同鄉名義。控告受賄徇私之金紹曾。(四)通電贊成聯省自治。以表示鄂人之  
 傾向。(五)通電否認被王占元收買之省議會爲代表民意機關。(六)排演災  
 情新劇。以喚起各方面之注意。(七)籌款接濟災民。並組織賑災委員會。以上  
 各項辦法決議後。即宣告實行第一項辦法。全體赴新華門請願。遂魚貫而出。  
 湖廣會館。整隊步行。第一隊執白布大旗四面。均繪以兵變時之慘狀。其餘每  
 排舉白布小旗一面。上書(王占元罪該萬死)(湖北精華盡成灰燼)等語。途  
 中秩序井然。至新華門時。鐵門已閉。直至午後一時。總統始派殷鴻壽代見。當

即臨時分別推定代表李繼膺、甘鵬雲等十一人，入新華門，由殷鴻壽在接待室接見。各代表陳述兵變慘狀畢，對於政府提出要求三項：（一）將王占元免職并查辦；（二）將王占元在鄂督任內所侵吞之公款一律充公；（三）此次武昌及宜昌人民並外人所受之損失，由王占元私產項下償還。各項要求提出後，並將控告王占元之呈文二件，面交殷氏代呈。殷鴻壽起立答覆各代表云：「宜昌、武昌均湖北精華之地，先後遭此慘劫，外人尙且痛心，況身受其殃之湖北人乎？余今日爲諸君出而負此責任，將呈文送交徐總統、靳總理，與之磋商具體辦法。倘政府仍無相當之辦法，當辭此官，以謝鄂人。請諸君限期三日。至二十五日下午一時，余決有可慰鄂人希望之答覆云云。」各代表始退出。並將開會請願各情通電全國。茲將鄂人所宣布王占元十七大罪狀列後：（一）吞沒軍餉，激成變亂；（二）兩次縱兵焚搶宜昌；（三）焚搶武昌；（四）蒲圻、天門、鍾祥、樊城、黃州、大冶、陽新、武穴、羅田、蘄春、崇陽、羊樓峒、老河口、富池口、毛家集、沙



洋藥店等處。先後被兵焚劫。(五)焚劫既盡。又復姦殺。(六)殘戮鄂中志士。(七)燒燬官錢局。造幣廠。以湮沒侵吞證據。(八)摧殘民治。(九)包辦選舉。摧殘省議會。(十)摧殘教育。戮辱學生。(十一)販賣烟土。強銷蘆鹽。(十二)吞沒賑款。滅絕災黎。(十三)變兵移駐未搶地方。預備逼搶。(十四)箝制輿論。(十五)私挪官款。自行營業。(十六)指孝感居民爲變兵。任意搶殺。(十七)藉籌軍餉。括歛民財。

### 鄂同鄉請罷王占元無效

旅京鄂人因宜武兵變問題。曾兩次請願政府。要求免王占元本職。所有湖北十一府州代表李繼膺羅琢章甘鵬雲戡援李善謙王文錦李子青袁正道倪惠淵羅國煊張伯謙盧復等。由殷鴻壽偕往國務院。靳雲鵬出而接見。首由靳氏對各代表述湖北兵變之歎之辭。並謂政府非不能罷免王占元。但有兩種難問題。(一)恐因易督之故。更擾亂地方。(二)繼任者難其人。因有此二種難

問題。只有求湖北父老之諒解。徐商善後辦法。代表等當推李繼膺面遞呈文。並陳述意見。李繼膺痛陳不能不罷免王占元之理由。最後要求總理爲確實之答覆者有二。(一)王占元應否罷免。(二)王占元何時可以罷免。靳氏謂就法律論。王占元應當罷免。就事實論。尙未到罷免時機。湖北災民代表袁正道比卽起立。呈交湖北被災照片。並痛述武漢軍心及民心兩方面恨王情形。王占元有不能不罷免之勢。現在實已到罷免時機。請總理迅速辦理。甘鳳雲。李子青。倪惠淵等。亦相繼發言甚長。靳氏謂只要諸君能諒解政府苦心。政府總當設法補救。最後由羅琢章發言。謂總理希望湖北人諒解總理。當有使湖北人得諒解之法。去年因省長問題。同人等請願政府。述王占元之禍鄂罪狀。總理說湖北還在天堂上。後不經三月。湖北兵變十有餘處。同人等又請願政府罷免王占元。總理擔保以後決不至再有兵變發生。今言猶在耳。而武宜兵變。惡耗相繼傳來。人人皆認王占元應該褫職拿辦。乃總理尙謂事實上不能。

即時罷免之。苦衷希望湖北人諒解。湖北非僅代表等十二人。而總理所言。實使代表等先不能解。更何能求諒解於湖北三千萬人耶。靳氏答語支吾。各代表不得要領而出。旋即召集十府一州全體代表。假虎坊橋湖廣會館開緊急會議。討論對付方法。(一)靳總理既承認王占元在法律上有免職理由。應請即日下免職命令。否則即認靳氏庇護王占元。鄂人爲自衛計。只好將對付王占元的手段對付靳氏。(二)黃陂雖主張罷免王占元。但無明白表示。擬由湖北接京鄂人自由簽名。自備車費。一致往天津要求黃陂切實向政府交涉。并通電全國。一致申討王占元。若黃陂一日不從其請。即一日不出黃陂之門。以上兩項。均預備向大會提議。俟通過後。即積極進行。

### 鄂代表赴湘請兵平亂

湘鄂毘連。關係密切。湘軍中鄂人甚多。而趙恒惕部下宋鶴庚魯滌平對於湖北素抱雄心。此次武宜兵變後。鄂人恨王占元刺骨。有派代表到湘請兵平亂。

者。夏斗寅因有編師回鄂之舉。宋魯兩人頗助之。王占元得此消息。除嚴切佈置外。並特電趙恒惕詰問。略謂此次宜武兵變。良爲心疚。現正籌謀善後。以圖補救。乃近日謠傳貴省軍隊有北進之計畫。母任駭異。湘鄂輔車相依。素不干犯。今不幸遭此變端。在鄂正求救災恤鄰之人。而湘乃有下井投石之舉。揆之事理。母乃違背。想是宵小故佈謠言。尙請明電指教。以釋羣疑云云。趙氏覆電云。湘省荒亂之餘。自顧不暇。來電所詢。敝省不但無此事。且亦無此議。道途傳言。誠如足下所云。是宵小有意煽惑。希勿輕信等語。觀趙氏此電。似湘軍圖鄂之說。表面雖非事實。其中固不免有愚王氏之策略也。

### 湘鄂戰爭之動因

此次湘鄂戰爭之動因。又有鄂人驅王之影響。王占元之在湖北。九個月中。兵變至十餘次。又以省長問題。與鄂人異常衝突。鄂人之謀去王。早已力竭聲嘶。凡在北方之鄂人。向政府請願。並一面向直隸運動。求救於曹吳。鄂籍之蕭耀

南爲彼等蓄意之人物。在南方之鄂人。則向粵政府請願。向湘政府請願。而湖南方面鄂籍之軍官兵士。爲數殊夥。激於愛鄉之心。又爲請願者所鼓動。向湘趨之。要求亦力。蓋在北之鄂人行動。尙爲平和解決者。其目的以易督而止。在南之鄂人行動。則全在以武力去王也。然桂戰方殷。湘省自不暇談及攻鄂。桂事一了。此事卽不可免。故今之湘鄂戰事。含有鄂人自決之之意味。而亦北京政府不肯罷王所釀成也。

### 湘鄂間形勢之大變化

鄂督王占元。自武宜兵變後。恐其地位不穩。極意交歡於鄰封各省。並以種種利益。許給川湘。以冀打消其攻鄂之擬議。而川湘攻鄂聲浪。遂漸沉寂不聞。王乃更進一步。倡爲川湘滇黔桂鄂贛七省大聯防。開統一會議於武昌。協商南北重要問題之主張。居然得各省贊同。紛派代表來鄂。而貴州前督軍劉顯世。亦由湘來鄂。參預盛會。王見此情形。異常高興。特於督署內開一廣大會議廳。



安電扇。置冰箱。陳設極爲周到。其重要議題。則爲七省聯防。促進統一。以擁護中央。不料準備開幕之際。忽傳桂林失守。桂代表林虎。忽遽離鄂。湘趙因是遽變方針。亦將其代表王首斌撤回。王氏經營許久之統一會議。至是乃雲消霧散。尤有一事足令王喪氣者。則湘軍援鄂之說。漸成實事。是也。蓋自武宜兵變後。鄂人紛派代表。乞援於湘。湘中將領亦多表同情。徒以趙恒惕力主慎重。而鄂王又許以助款助械種種利益。故碍於情面。難以實現。旋因兩廣形勢變化。湘省萬難模稜。故湘軍多主張出兵援鄂。一方面可以擴充勢力。一方面可以免粵來攻。而鄂人孔庚蔣作賓最近聯袂入湘。極力慫恿。湘趙鑒於環境形勢。知難坐視。乃假開歡迎蔣作賓大會爲名。召集湘軍營長以上軍官到總部會議。共同討論對鄂究應採如何態度。結果多數贊成援鄂。比晚趙卽下令岳州以下防軍一律戒嚴。是日到湘客貨車亦被扣留運兵。

### 湖北自治軍發布之文電

旅湘鄂人根據所制臨時約法選出之省總監蔣作賓與鄂籍重要份子組織湖北自治軍。卽以「管理全省軍民政務統率全省自治軍湖北自治政府臨時省總監」名義發布各種文電。茲擇錄如下。

(一)致各省電「吾鄂不辰。遭逢凶醜。七年痛禍。四境爲枯。罪蹟昭彰。中外共恫。具如檄列。無待贅陳。同人有鑒於民國之俶擾多故。不欲重事兵革。苦我鄉人。強自忍抑。冀其反省。詎王占元怙惡鮮恥。爲禍日深。宜武百年繁盛之區。中外士商蒼萃之地。竟亦嗾使其親信軍隊。一再劫掠。繼以焚屋殺人。無辜良民。死以萬計。貨財損失以數千萬計。傷心慘目。亘古罕聞。焚劫之災。不僅毒及吾鄂一省。而損失邦交。遺羞與國。覺書騰貴。影響國權。是王占元不僅吾鄂罪人。實全國禍首。凡我中華民籍人人得而誅之。苟北廷之威信猶有國家之法律有效。早已陳尸東市。傳首九邊。豈待吾民親執挺刃。撻彼凶殘。抑使吾民生命稍得苟延。則亦惟偷一夕之安。決不願鋌而走險。今也黃台之瓜。一摘再摘。民

窮財盡創巨痛深將再匍匐呼號於燕市乎吾父老昆季亦既屢爲之而不一爲之矣新華閉拒厭聽民瘼寧可置吾鄂三千萬人民於死而不之恤決不忍王占元一旦失其地盤吾鄂民求生路絕忍無可忍迫不得已計惟有自決續存之一法作賓忝負鄉人付託重任惟有親率諸軍指日東顧驅除殘惡綏靖災黎此純爲鄂人自救之謀但求恢復鄉邦實行自治成敗利鈍所不敢期幸賴湘川兩省顧念唇齒相依之誼不忍吾民之呼籲慨允出師相助諸公仁心仁術繼絕扶危夙有同志省憲建國亦已公認甚望加以提携扶持正義豈惟吾鄂民受其賜抑亦我四萬萬同胞所共馨香禱祝者也臨電激切統希鑒示湖北臨時省總監蔣作賓叩有印

「(二)致外交團電」北京外交團漢口領事團公鑒敝同人等以爲非各省自治則不足以保全中華民國之治安及恢復政治之秩序而督軍天職則在保護其省內中外人民之生命財產乃湖北督軍王占元罔識治體對於省內自

治。進。行。橫。加。阻。撓。且。侵。吞。軍。餉。釀。成。全。省。兵。變。以。致。數。千。生。靈。無。辜。塗。炭。巨。萬。財。資。悉。被。劫。掠。職。是。之。故。敵。同。人。等。哀。懇。北。京。政。府。罷。免。王。氏。以。謝。中。外。乃。政。府。明。知。王。氏。之。當。去。而。假。詞。力。不。能。及。一。再。遷。延。不。予。執。行。敵。同。人。等。爲。防。兵。變。之。再。見。與。便。利。省。自。治。之。進。行。起。見。故。於。千。九。百。二。十。一。年。七。月。二。十。二。日。會。議。長。沙。制。定。臨。時。省。憲。依。法。選。舉。蔣。作。賓。大。將。爲。湖。北。自。治。政。府。臨。時。省。總。監。管。理。全。省。軍。民。政。務。當。經。宣。誓。就。職。統。率。湖。北。自。治。全。軍。聯。合。湘。軍。向。鄂。前。進。驅。逐。王。氏。藉。保。人。民。生。命。財。產。之。安。全。敵。軍。所。過。秋。毫。無。犯。用。是。電。達。貴。公。使。貴。領。事。團。轉。告。貴。國。僑。民。等。一。體。知。照。毋。驚。毋。疑。再。北。京。政。府。及。王。占。元。既。乏。治。鄂。之。能。力。自。失。代。表。該。省。之。資。格。自。今。日。始。希。貴。公。使。領。事。及。貴。國。僑。民。一。致。與。北。京。政。府。及。王。占。元。與。其。所。屬。機。關。斷。絕。在。湖。北。政。治。上。經。濟。上。及。其。他。種。關。係。尤。祈。勿。助。餉。械。之。接。濟。致。增。我。國。之。內。亂。而。傷。兩。國。之。睦。誼。不。勝。盼。禱。之。至。湖。北。自。治。軍。及。各。團。體。代。表。孔。庚。等。叩。

## 王占元接濟湘軍餉械之受愚

趙恒惕前因留湘鄂籍軍官之運動。及蔣作賓入湘要求出兵援鄂。曾於旬日前召集軍事會議。討論結果。早已決定攻鄂之計。適於此時。王占元託熊克武赴湘疏通。並供給趙氏軍餉二十萬元。子彈一百二十萬。趙氏一時爲面子所拘。故軍隊出動暫時停緩。及熊氏去湘後。鄂籍軍官運動益力。又值廣西完全覆滅。趙不早表明態度。恐將爲粵軍之攻擊目標。故復履行前軍事會議決定之議案。此湘鄂啟衅之真相也。

## 湘軍總司令誓師之新令

湖南援鄂軍總司令趙恒惕。於七月二十六日。在總部舉行誓師典禮。是日午前八時。中級以上各軍官後先到部。趙氏御陸軍大禮服。佩勳章。掛長劍。入禮堂。率各軍官向國旗行三鞠躬禮。然後各軍官東向。總司令西向。讀誓師詞。及入新令。各軍官向總司令行撇刀禮。其誓師詞內容。係先述此次出兵之原由。

末申述八事。(一)嚴守紀律。(二)親睦友軍。(三)體恤居民。(四)保護外人。(五)不干內政。(六)力戒爭奪。(七)優待俘虜。(八)保衛商場。

### 湘軍援鄂進行之計劃

(一)出發之軍隊。此次湘軍援鄂。其出發軍隊業經派定者。爲第一二兩師全部。及第一第八兩混成旅。駐湘鄂軍團之數項。以上各軍之在省者。已紛紛向岳陽開拔。其未在省者。亦經分別徵調。限期齊集岳陽。以便定期誓師。分途前進。

(二)進攻之方略。湘軍援鄂。共分三路進攻。正面由岳陽臨湘。以攻蒲圻等屬。以鄂軍團爲先鋒隊。鄂軍司令夏斗寅爲先鋒司令官。率隊先進。第一二師繼之。右路由平江以攻通城。由第一混成旅擔任。卽以旅長葉開鑫爲指揮。左路由澧縣以攻公安松滋。以第八混成旅擔任。以旅長唐榮陽爲指揮。至三路總指揮第二師師長魯滌平。援鄂總司令爲第一師師長宋鶴庚。

(三)兵站之組織。兵站總監部設立長沙。總監爲財政廳長楊丙。總監之下。置軍需監一人。以下再分三處。每處又分設數科。其規模之宏大。幾與總司令部相等。並擬於岳陽臨湘各設分站一。以便應付前方。

(四)省內之防務。各軍既紛紛出發援鄂。省內防務。自當另行支配。南路之衡陽。以第三旅開赴桂邊。決以第四旅填駐西路之常德澧川。以一師及八旅各軍已編爲援鄂軍。概由沅陵鎮守使蔡欽猷派兵填駐。其先本擬將駐辰州永順一帶之十二旅。畧爲分撥。祇以湘西匪氛既熾。李烈鈞所部又尙未完全退去。防務重要。遂決不調動。

### 湘鄂雙方之軍隊發動

湘軍援鄂軍隊。先以一旅集中路口舖。距離鄂境羊樓司。僅隔一五里牌車站。并派人在五里牌察看駐軍地點。其大批軍隊。准由岳州出發。卽以五里牌爲大本營。王占元聞此警報。亟在署召集緊急軍事會議。決定一面電知中央及

各省聲明湘省違約經過。一面派軍前往防堵。散議後。除立電蒲通鎮守使劉躍龍。將所屬蒲圻、通城、監利、石首、嘉魚、劃爲警備區域。派軍嚴堵。勿令湘軍侵入外。又派孫傳芳所部第十八師步兵一團。砲隊一營。寇英傑所部第二旅步兵第四團全部。砲隊一營。機關槍一連。開往蒲圻羊樓司一帶禦敵。又以水路防務亦形重要。特令停泊鮎魚套之炮艦魚雷艇各二艘。馳往白螺磯上游協同防堵。又自楚王台起出山炮槍彈甚多。運往前敵各軍應用。而湘鄂兩方之戰機於是發動矣。

### 趙恆惕臨戰時之圓滑策略

前線各軍備戰之時。趙恆惕且電王占元。聲明誤會。略謂敵部受人煽惑。局部發動。未及制止。比日卽飭令撤退。並派唐參謀長一斌爲代表。來鄂進謁。共商繼續聯防。王氏比卽覆趙。謂執事如能約束所部。占元決不爲己甚。乃趙又有宥電來鄂。謂旅湘鄂籍黨人。已盡監視。請照常通車。王氏覆電照准。但須俟路



軌修復。纔可通行。然據前方探報。湘軍尙於臨湘增防。是湘趙態度。仍未可恃也。說者謂趙恒惕向來圓滑。此次出兵援鄂。雖爲旅湘鄂人所慫成。然亦爲粵政府所逼迫。又恐實力難以勝鄂。故於湘軍發動時。已則佯爲不知。故其來電。一含轉圜之意。一爲緩兵之計。王氏知之。故亦一面虛與委蛇。一面積極備戰焉。

### 鄂東鄂北自治軍傳檄討王

此次援鄂之各將領。向各法團辭行。已具有不再返湘之意。而同時鄂東鄂北之乘機驅王者。亦紛紛崛起。鄂北隨棗自治軍。集衆二三千人。勢頗猖獗。其總司令爲李魁元。副司令爲胡金橋。已傳檄討王。故王氏商准豫趙督。以宏成軍統領閻日仁所部五營。出防隨棗。而四面楚歌之聲。浪且愈。偪而愈近矣。

### 湘鄂軍開始接戰之情況

七月二十九日午前三時。夏斗寅所部。由路口鋪五里牌。進攻鄂境羊樓司。卽

與鄂軍在羊樓司以北約六華里某地接戰。約兩小時。夏軍進前三里。觸發鄂軍地雷兩枚。轟斃百餘人。夏軍仍奮勇前進。激戰甚久。鄂軍力漸不支。紛紛後退。夏軍即進拔羊樓司要隘。該站站長魏伯衡及鄂軍兵站。當移駐羊樓司之後方。此即官場所稱誘敵之由來。蓋諱言敗也。是役鄂軍死傷約五六百人。損失軍用品亦甚夥。駐防羊樓司七十二團團長潘守楨。傳因中彈殞命。夏軍死傷亦頗不少。翌日湘軍又向前攻擊。與鄂軍戰於趙李橋以南約十華里某地。是日南風勢勁。鄂軍所發槍彈不準。而且不遠。湘軍乘此機會。又前進十數里。外傳趙李橋要隘。亦被湘軍佔領。鄂軍第一防線。已被衝動。孫傳芳電省。略謂天氣酷暑。我軍水土不服。死亡枕藉。兼以南風過大。禦敵頗感困難。特令退出羊樓司待命。請速派隊前來助戰云云。王占元得前方失利警訊。大爲憤怒。即欲將孫傳芳調回。護理督篆。親自赴蒲圻前線。與湘軍一決勝負。嗣因人勸阻。乃止。比晚。電令第十八師長孫傳芳爲新嘉蒲通警備總司令。蒲通鎮守使劉